

欽定戶部漕運全書

欽定戶部漕運全書卷五十七目錄

支運糧儲

餘米筐羨

買餘米補

餘米糶變

# 餘米簞羨

一各幫官丁在倉交剩三升八合餘米舊例本  
幫有欠除扣抵本幫掛欠外下剩餘米查明本  
幫上運舊欠丁名如有相同其名下舊欠數多  
而餘米數少者將該丁名下餘米全數扣留抵  
補餘米多而舊欠少者扣完卽止謂之對丁扣  
留除對丁之外尙有本幫不對丁名之舊欠將  
無欠旗丁餘米每十名扣留三名抵補扣完卽  
止謂之三七扣留至餘米抵欠之外仍有餘剩

聽旗丁賣與本倉別幫抵補掛欠雍正元年奏  
准抵欠賣抵之外再有餘剩官爲收買種米每  
石作價七錢稷米每石六錢粟米每石五錢動  
用茶果銀兩給與該丁倘茶果銀兩不敷卽將  
通濟庫銀給發所有餘米通行畱倉作正支放  
倉場仍將扣畱抵補舊欠餘米彙咨總漕銷案  
以免重追搭運雍正四年題准旗丁應得餘米  
或本幫有欠抵補本幫或別幫有欠賣補別幫  
賣抵之外仍有餘米准令經紀車戶買抵掣欠

至尾幫餘米並無別幫買抵者仍行照例給價  
一簞夫銀兩除山東河南二省路近不給外其  
江南江西浙江湖廣四省漕糧按實起過廟正  
米覈算每石給簞夫銀一分順治十七年題准  
應給簞夫銀兩務令運官親到唱名給發如有  
買照代領情弊卽行查叅

一羨餘銀兩按到通船隻給發山東河南二省  
每隻給銀一兩江南省每隻給銀二兩浙江江  
西湖廣三省每隻給銀四兩內江西九江前後

兩幫糧船先因協運江南省漕糧附在江南上  
江總下每隻例給羨餘銀二兩凡有掛欠按掛  
欠米數均派扣除其中途失風漂沒損壞不到  
通者按船扣除順治十七年題准應給羨餘銀  
兩務令運官親到唱名給發如有買照代領情  
弊卽行查叅

一江西省糧船每船例給羨餘銀四兩惟九江  
前後兩幫從前運送京口船糧並不到通向照  
江南省之例每船祇給羨餘銀二兩嗣因運通

交卸乾隆二十一年奏准照依該省定例每船給銀

四兩

一紙劄銀係按幫給發每船概給運官紙劄銀

二兩

議單  
舊本

一簋羨等銀本幫如有掛欠照定例粳米每石  
一兩四錢粟米每石一兩二錢作價扣畱折抵  
掛欠並查明本幫上運舊欠丁名如有相同將  
該丁應給銀兩一併扣抵順治十五年題准扣  
除之外再有餘銀坐糧廳出結給發

一每年到通船六千餘隻所收茶果銀兩每大米船十兩小米船七兩動支數目以及買過餘米應令坐糧廳俟糧務竣日按所到船隻逐一分晰造冊具題倘此外另有需索之處倉場侍

郎巡倉御史訪拏題叅治罪

雍正二年

一山東自備船隻應領羨餘等銀乾隆二年題明畱頭船旗丁一二人在通支領乾隆三年咨准將此項銀兩於伊等具領之日坐糧廳設一印票填明銀數封固回衛將銀票一併呈送各



衛所驗明按名勾給仍取具領狀同原發印票  
一併申繳送部查覈如有侵漏隱蝕詳革究追  
一江浙二省白糧改徵漕糧米石每年到通之  
時一切紅撥簞羨脚抗等項悉照漕例辦理

乾隆

三  
年

一失風事故買補雇募船隻乾隆三年咨令停  
支簞羨紅撥銀兩其山東省漕船係旗丁自備  
雇募與各省風火失事買補雇募者不同仍應  
准照舊例給與羨餘等項銀兩

一漕船抵通起卸完日查明飯食缺乏之幫將副丁應得三升八合餘米銀兩存三給七以濟

回空之用

乾隆七年

一各省船糧到通應交茶果銀兩向係幫丁自行交納往往交不足數乾隆九年奏准山東河南二省船糧原不過淮每船額交銀七兩仍照舊交納其各省令各糧道於各丁應領耗贈項內每船扣茶果銀十兩封交押運廳員到通覈算批解坐糧廳衙門交納如遇中途截畱仍行

散給幫丁以爲起運回空之費

一欠米丁船例將副丁回空食米起作正項回空未免拮据乾隆九年奏准將正丁應得紅撥簠羨銀兩全給副丁以資回空之費如正丁不能交納茶果銀兩行南比追次年附解交通

一簠羨紅撥餘米等銀例係按照到通米數覈給其截畱船隻概不支乾隆十年處州衛前幫派撥密雲縣米石係抵壩之後派撥轉運各船應交茶果銀兩俱經照數交納通庫其簠羨

紅撥餘米等銀咨准照到通之例辦理

一各省幫船應領三升八合餘米價值并簞夫  
羨餘銀兩例係交糧後坐糧廳唱名給發如有  
買照代領情弊卽行叅究惟山東省自備船隻  
應領羨餘等銀向係坐糧廳設一印票填明銀  
數連銀封發運弁帶回按名勻給嗣因完糧後  
旗丁急需回空未能久候勢必另行借貸重利  
剝削兼有弁丁代領扣剋等弊乾隆十七年奏  
准除山東省自備船隻仍照舊例外其餘各省

幫船應領餘米等銀俟各丁完糧後限五日內  
該廳卽唱名給發令巡漕御史不時稽查如有  
扣剋違限情弊立即查叅

一截畱船隻向例免交茶果個兒等項銀錢亦  
不給與紅撥簞羨銀兩乾隆二十二年因台州  
前及江廣等省各幫守水遲滯准在天津交兌  
較之自通回空俱有節省其應交之茶果銀兩  
個兒錢文仍令照數交納其簞羨銀兩未便照  
抵通之例全給按數賞給一半

一乾隆二十四年欽奉

諭旨先到漕糧於天津截畱四十萬石糧數雖有截存船仍到壩其羨餘銀兩照例全給至簞夫銀兩照乾隆二十二年例按數賞給一半欽此

一江西湖廣等省漕船應繳茶果銀兩以應領簞羨紅撥銀兩扣抵如扣不足數卽於餘米價內找抵足數

乾隆二十四年

一失風買補雇募船隻例無簞羨可領其應交

茶果銀兩將應領餘米價銀抵扣

乾隆二十五年

一乾隆二十七年浙江松江等幫餘米緩交所  
有簞夫銀兩原係按米支給今米既未進倉應  
停其支給至羨餘銀兩例係按船支給該船既  
已抵通仍應照舊給領再各幫緩交餘米內已  
起卸進倉者照例給發餘米價銀外緩交者俟  
下年搭解全完再行補給價值

一漕船到通應交廳茶果銀兩係按船覈計倉  
茶果銀兩係按米覈計羨餘等銀例按到通軍  
船給發乾隆二十八年倉場咨截畱豫東二省

粟米十五萬石撥給沿河被水州縣除將先進  
軍船所裝麥豆到通起卸完竣所存粟米仍令  
原船帶回按照派撥截畱水次交收羨餘一項  
軍船俱已到通自應照數給發餘米既經交納  
其價值亦應如數覈給

一乾隆三十一年奏准通州等處額徵紅撥銀  
兩除給淺標各夫工食等項外餘剩銀兩向例  
覈明到通船數畱於次年均勻派給然事隔一  
年始行支放恐啟剋扣情弊應照餘米暨羨之



例本年由坐糧廳覈明卽交領運千總散給各丁並交巡漕御史嚴切稽查

一幫船失風應賠米石例准買餘抵補總漕咨明戶部戶部知照倉場將買餘銀兩照例扣抵餘剩銀兩卽行散給幫丁俾得迅速回空以濟

運務

乾隆三十一年

一各丁完糧後每石例交坐糧廳倉茶果銀五釐一毫七絲二忽五微以爲各倉收放米石之需除失風事故等船免交外其餘實到通船隻

應交倉茶果銀兩於應給餘米價銀內照數扣

抵

乾隆三

十一年

一紅撥銀兩向例每百兩扣出銀一兩以爲倉  
場書吏飯食之用乾隆三十六年奏准嗣後扣  
給飯食應除去淺標各夫工食以及標竿等項  
支用之外實在餘剩給丁銀內每百兩照例扣  
給

一旗丁回空銀兩係於過淮時將應給行月錢  
糧按船數多寡扣留遞弁於抵通時報明坐糧

廳按船驗放乾隆三十六年奏准回空銀兩令  
各該糧道於封兌時粘貼印花交給運弁抵通  
後坐糧廳查驗印花抽兌散給

一密雲縣新設駐防應需米石原議於豫東二  
省薊糧內運供乾隆四十五年搭運不及暫於  
濟寧左幫漕糧內截撥米二萬三千石係正耗  
米全行覈算平米撥給明年仍於薊糧內照數  
運還卽幫丁應得三升八合餘米亦係覈算在  
內並無另有畱倉耗米所有幫丁應領餘米價

值及紅撥羨餘等項照數給發

一江廣等省正兌項下劃給旗丁篩颺耗米並  
不過壩所有簠夫銀兩扣存不給江蘇改兌項  
下給過篩颺本非旗丁應得之項因經營各員  
悞行劃給奏明著落賠補該旗丁等已免追繳  
其簠夫銀兩一體扣除不給其餘各省改兌項  
下篩颺米石全行起卸過壩其簠夫銀兩照例

給發

嘉慶  
五年

一山東省自備船隻各丁交糧回家住居星散

距衛寫遠咨准將應領羨餘銀兩自辛酉年爲  
始於應交茶果銀內扣抵其不敷茶果銀兩令  
旗丁再行找繳仍於每年茶果摺報及輕齎奏  
銷冊內分晰收放造報覈銷

嘉慶五年

一江浙各幫餘米無論運京截撥每正米一石  
均准其交納一升九合存船一升九合入於到

通銷算案內分晰造報查覈

嘉慶五年

一東省應領羨餘銀一兩既准在應交茶果銀  
七兩內扣抵所有河南省自備船隻應領羨餘

銀一兩照山東省之例准在應交茶果銀內扣

抵

嘉慶七年

一豫東二省幫船應領紅撥銀每船不過五六錢爲數零星奏准在於應交茶果銀內扣抵以

歸簡易

嘉慶八年

一嘉慶十四年東豫二省漕糧截撥

東陵兵米照運通正漕之例徵收倉茶果銀兩支給暨羨餘米紅撥等項銀兩自十五年以後改撥東豫二省薊糧由各該省另案報銷

一浙江省各幫丁未完節年積欠銀二十四萬  
餘兩雖俱分限扣還而爲數較重遞年扣繳則  
領數日少辦運益艱奏准將每年交倉餘米二  
萬四千餘石劃出給丁自嘉慶十四年起量予  
六年在於水次令各州縣照時變價解交糧道  
衙門按幫扣還積欠仍令按年報部查覈此次  
調劑之後該省各幫不得濫行借給倘再懸欠  
不清卽在放給各員及覈轉之上司名下分賠  
所有此次暫請劃出餘米給丁之案後不得援

以爲例其餘有漕各省亦不得援照竇請以重庫項而慎倉儲

一江南淮安二等幫不堪入倉米石項下應交廳倉茶果銀兩令承變米石之道員一併照數交納其席竹等項仍令照數交倉所有簞夫羨餘銀兩不准支給

嘉慶十四年

一浙江幫丁外借道縣各庫銀兩緣自乾隆五十二年以後河道多阻用度浩繁歷任糧道詳明總漕巡撫批准借給卽於下運應領錢糧內



扣還設上年所借之銀至次年漕運情形艱阻  
尤甚卽不能全數坐扣致有懸欠銀一十七萬  
餘兩奏准俟扣完報部借款後再將餘米留南  
變價接扣三年以清積欠仍將從前並不隨時  
奏咨立案之歷任各官職名送部覈議  
嘉慶十  
五年  
一山東濟前濟後東平等三幫應運密雲

東陵等處兵米前因災緩於德正等幫原運正漕內派  
撥嗣據該三幫將前項兵米搭運到通歸還正  
漕派運進倉行咨倉場將應交茶果及支給羨

餘餘米紅撥等項銀兩均照正漕之例辦理

嘉慶

十九年

一江浙釐夫銀兩並江浙豫東羨餘紙劄餘米價銀向於輕齋茶果等銀內扣解咸豐五年倉場奏准按八折放給酌扣二成銀兩歸公咸豐十年因倉場籌辦先漕經費經戶部議准釐羨等銀按七成折放扣減三成留存通庫備辦先漕盈餘銀兩解部統令列入通庫奏銷案內覈

實報銷

咸豐十年

一江北河運漕糧截留天津放賑除輕齋等銀照常批解外其廳倉茶果箇兒錢等項銀兩未據解到江安糧道請由應領簞羨等銀內抵扣經戶部議令查照乾隆二十二二十四等年天津截卸成案簞羨銀兩賞給一半其應抵應扣等銀卽照一半之數覈算下餘應解銀兩卽行全數解通

同治十一年

買餘抵補

一乾隆六年富新倉失火燒燬成色米石題准  
著落滿漢監督賠六分書攢賠二分花戶賠二  
分於次年糧船抵通收買各幫餘米賠補又乾  
隆十七年舊太倉冒領米石著落該倉賠補倉  
場咨准收買各幫餘米賠補

一漕糧抵通有潮濕米石責令旗丁自行篩颺  
其篩颺折耗米石准令按數買別幫食米賠補  
如補不足數卽照起欠例將弁丁叅處米石下

年搭運完交

乾隆十八年

一定例各省漕糧每正米一石外有原帶耗米四升七合六抄以備抵壩篩颺折耗如抵壩篩颺有剩准給旗丁雍正四年奏明停止篩颺將米悉歸正項於進倉時抽驗一二袋如有潮濕計其折耗將未經驗看之米照此計算將原備篩颺米石抵補下剩之米歸入正項乾隆十七年奏准凡到通米石除攪和霉變者叅處治罪外如乾潔毋庸篩颺者照例起卸將原備篩颺

之米作正交納如米色潮濕過甚倉場會同巡漕諸臣驗看篩颺計其折耗若干將原備米石補足免其額外交納仍有不敷責丁買補買不足數照起欠之例弁丁叅處米石於次年帶運如抵補有剩仍歸正項交倉至進倉抽驗之例乾隆二十年奏准仍照舊遵行

一旗丁交代米石如有虧缺買米交倉不淮餘米抵交乾隆二十一年浙省運通漕糧因上年秋雨過多米色未能純潔折耗加多經漕運總

督奏准以旗丁應得之飯米抵補折耗之糧毋庸另行買米交倉并聲明此次通融抵算後不爲例

一乾隆二十二年太平倉方字廩廩墻坍塌倒損傷米石飭令該監督援照乾隆十七年舊太倉分賠米石之例買餘賠補

一乾隆二十三年北倉起運米石旗丁等於每米百石加出耗米二石並氣頭廩底未經估定成色之米輒自篩颺令該管之倉場及坐糧廳

照數賠出淨米歸倉咨請援照乾隆十七年舊  
太倉分賠米石之例於各幫交剩十成餘米照  
數買賠還倉

一各省正兌漕糧項下原備篩颺耗米四升七  
合六抄於酌議津貼旗丁案內江蘇等省劃給  
旗丁二升七合六抄山東河南二省劃給旗丁  
一升七合六抄除粟米黑豆二項折耗較少尙  
有餘剩惟稷秠米及麥石二項向來折耗較多  
每石計有三升二三合除去給丁之外不敷折



耗奏准在三升八合餘米內撥出八合量爲抵  
補不得再逾此數如或無須撥抵仍將備抵之

米歸入原款報銷

嘉慶五年

一江淮七幫旗丁李萬林等撥船淋濕米因值  
陰雨不能曬晾又遇大雨連朝各船濕米復遭

淋浸以致霉變准其買餘抵補

嘉慶六年

一杭嚴衛頭幫二幫四幫處州後幫台州前幫  
後幫等幫旗丁尤思孝等軍撥各船失風濕米  
並虧折米石實在無餘易換買賠本幫餘米又

因餘米緩交無餘可抵准其在於下運餘米內

抵補完公

嘉慶六年

一嘉慶六年嚴州所旗丁林景山等在天津一帶守水耽延兩月掛欠米石欽奉

上諭准其以餘米暫抵著令下年全數補運本色欽此  
一嘉慶六年金山寧波前後紹興前四幫掛欠  
漕糧倉場奏請著追欽奉

恩旨准其以本幫餘米暫抵欠項著令下年全數搭運  
再有不敷卽買本色交納欽此

一浙江處州後嚴州所湖州所等三幫旗丁丁

祿保等船失風沉湮米石因該幫應行搭解緩

交餘米奏分八限完款前項失風米石不敷抵

交部覆准買別幫餘米抵補

嘉慶二十年

一江西南昌後幫旗丁張黃朋遵領清河縣船

戶李鳳岐撥船起米一百六十餘石渡黃漂沒

部議准買本幫餘米抵補

嘉慶二十年

一湖南頭幫二幫旗丁楊茂等漕船失風撈獲

湮米微變不堪煮食咨准令買本幫餘米抵補

嘉慶二

十一年

一浙江杭嚴頭幫旗丁江文煦漕船失風沉涇  
米石咨請在於下年帶交餘米內抵補嗣因該  
幫應行搭運緩交餘米奏分八限搭解前項失  
風米石餘將本年搭解緩交初限餘米抵補外  
不敷米石准令買餘抵補

嘉慶二  
十一年

一淮安頭幫旗丁王秉黃等掛欠失風米石買  
餘抵補應交米價銀兩在於原欠之丁應領新  
運錢糧內按數扣追隨同輕齎搭解通庫清款

道光  
元年

一浙江金衢溫後台後等幫失風沉湮米石咨  
准買餘抵補應交餘米價銀請俟下運帶繳經  
部駁令在於各幫應領錢糧內扣解通庫歸款

道光  
二年

餘米糶變

一內倉歷年積存盈餘老白米石交五城變價所得價銀交工部以爲添設修理內倉木料之

用

乾隆二十二年

一內倉盈餘米石發交五城變價修倉隨傳喚五城指揮估驗老米每石酌估庫平銀一兩二分白米酌估銀一兩六錢三分復傳喚招買人袁德增估老米每石市平銀一兩一錢八分白米市平銀一兩七錢三分統計所增較五城原

估酌增銀一千三百餘兩將此項米石停交五城變價卽令招買人領買其價交工部應用

乾隆

二十三年

一運河水勢未充轉漕較爲費力二三進幫船

餘米准其隨便售賣若令幫丁在途售賣餘米

恐將正米一併朦混多賣仍照往例於抵通後

再行售賣以防弊混

乾隆三十六年

一嘉慶元年三月奉

上諭向來南糧餘米俱准在通變賣以資食用今南糧

現已抵通旗丁於交足正供之外所有多餘米石著  
加恩准其就近於通州糶賣在旗丁旣所樂從於郊  
畿市價民食亦有裨益欽此



欽定戶部漕運全書卷五十八目錄

京通糧儲

緩交餘米

掣欠事例

糧色叅奏

緩交餘米

一乾隆三十六年後進幫船沿途節次稽阻抵壩較遲欽奉

諭旨將應交三升八合餘米暫免交倉俟下運照數搭解欽此

一乾隆四十年因東省微湖水淺浙江各幫間有起撥丁力拮据欽奉

諭旨浙江各幫應交餘米准其先交一半其餘著加恩緩至次年一併帶交以示體恤嗣後不得援以爲例

欽此

一乾隆四十三年閏六月奉

上諭湖南江西各幫因清黃交匯處間有淺淤守候日久迄今始得渡黃北上且起撥需費丁力未免拮据前已降旨令鄂寶查明酌賞至各漕船向有餘米例隨正米交倉折價收買今年江廣各幫旗丁輓運爲日較多其餘米須兩充食川所有應交餘米著加恩暫緩交倉俟下運照數搭解以示體恤幫丁至意該部卽遵諭行欽此續據倉場咨渡黃遲滯係自湖南

二幫起其湖南頭幫先已渡黃不在緩交餘米之內應自湖南二幫起緩至下年搭解

一泗州衛前幫乾隆四十三年兌運淮糧應補交上年原運蘇屬漕糧三升八合餘梗米淮地土產稔米稔不抵梗無從購買咨明緩俟下屆兌運常糧之年搭運

一乾隆四十五年二進南糧儀徵等幫因黃河淺阻撥運及入北河適值水溜沖急起撥雇緯所費較多又各幫抵壩較往年俱遲至月餘始

能回空奏准將三升八合餘米於次年帶交至  
三進各幫在途行走日久丁力拮据亦照二進  
幫船之例辦理

一乾隆四十五年三進幫船自浙江杭嚴三至  
江西南昌前等幫米石運至石壩大通橋兩處  
露囤所有備買打捲遮蓋席片鋪囤葦把紮囤  
繩索暨巡查人役飯食等項銀兩毋庸另行開  
銷於經紀車戶脚價內照乾隆三十六年暫貯  
太平倉之例分作八年扣還再南糧因在途行

走日久丁力拮据蒙

恩將餘米緩至次年帶交自儀徵幫爲始其安慶後幫  
有運交易州米石派撥在未奉

恩旨以前但該幫在儀徵幫之後餘米應一體緩交

一乾隆四十七年三進幫船溫州後處州後湖州所杭嚴四杭嚴頭杭嚴二湖州白糧等七幫  
因蘇常淮河一帶煞壩挑挖耽延時日又至東  
省在楊莊開直抵八閘一路水勢湧急加倍添  
雇繚夫及引繚小船夫價食米過多運費浩繁

現在同空食米殆盡將餘米准其緩至來年一併搭解清款

一乾隆四十九年江南浙江兩省起運軍船共八十二幫因邳州運河淺阻守候將及一月撥費浩繁將應交三升八合餘米暫緩交倉自下年爲始分作二年搭解完納

一乾隆五十年起運各幫內有例交餘米及帶交上年一半餘米因邳州一帶節節起撥運河添築草壩束水口門水勢溜急添雇人夫每船

多費銀五六十兩不等江南浙江各幫應交上年一半餘米仍令抵通交納外其本年應交三升八合餘米暫緩交倉均令存船以爲同空食用之需所有湖廣江西各幫自下年起分作兩年搭運其江浙各幫仍俟將未完上年緩交一半餘米於明歲交納全完後自五十二三兩年再將今歲緩交之米搭運

一乾隆五十年長淮四幫各丁應行搭解上年一半緩交餘米係屬稗米本年輪兌徐州府屬



漕糧例係粟米難以抵粳咨明於下年輪兌常州府屬南糧照數購買粳米搭解

一乾隆五十一年六月奉

上諭據毓奇等奏江浙兩省幫船上運餘米請暫緩帶交一摺前因邵宿運河淺阻起撥耽延將乾隆四十九五十兩年江浙兩省幫船應交餘米准其遞年分限帶交今該督等以兩省上年早歉之後米價昂貴採買維艱且本年沿途河道仍多淺阻幫船起撥丁力未免拮据奏請遞緩帶解自係實在情形著照該

督等所請浙省本年應帶交四十九年未完一半餘米緩至五十二年其五十年緩交餘米遞緩至五十三四兩年搭運交倉完納至江南漕船所有帶交四十九年未完一半餘米著照浙省之例一併遞緩以紓丁力該部卽遵諭行欽此

一乾隆五十一年九月奉

上諭毓奇等奏江西幫船今歲回空較遲存船食米無多請將各該丁等應交三升八合餘米本年先行交納一半其餘一半俟下年買米搭運再行交納等語

江西漕船較別省幫船程途稍遠今歲因江境漫口阻滯抵直較遲各該丁等將來回空日食無餘丁力不無拮据所有各該丁等應交三升八合餘米著加恩今年免其交納竟於五十二三兩年內每年分交一半以示體恤該部卽遵諭速行欽此

一乾隆五十二年八月奉

上諭據毓奇奏江蘇省領兌華亭婁縣奉賢等三縣浙江省領兌海寧臨安新城於潛昌化嘉興海鹽嘉善平湖秀水石門桐鄉歸安烏程等十四州縣漕米各

幫米色霉變不堪交納將行月耗米抵補再加交倉  
贈耗行糧外不能復有餘米請將此次應交三升八  
合餘米俟下運分作兩年買補帶交等語各幫領運  
漕米例有餘米以資該丁等回空飯食之需此次抵  
交外若再令買補餘米分年帶交恐近年丁力疲乏  
轉行支絀所有江蘇省華亭等三縣浙江海寧等十  
四州縣各幫應交三升八合餘米竟著加恩寬免以  
示朕體恤丁力至意欽此

一乾隆五十三年六月奉

上諭據疏奇奏豫省起運漕船因衛河水淺起撥稽滯  
所有行月糧石交補正供外不能再有餘米交倉請  
將豫省十幫到通應交三升八合餘米緩至下運分  
作兩年帶交並東省漕船稽遲亦久請飭交倉場侍  
即查明如有疲累之幫將應交餘米一體緩納以紓  
丁力等語各省漕船到通後例有餘米交倉近來屢  
經該督奏請緩徵因其爲恤丁起見是以准行但此  
等旗丁旣屬疲乏即使准其將餘米分年帶運而年  
復一年更形拮据豈能按限交納除前次緩交餘米

仍令按年帶交外至此次河南漕船行走遲滯皆因  
河水淺阻守候耽延而該管各官於僉丁時旣未能  
慎加遴選及開兌後又不能督飭催償以致稽遲時  
日丁力疲乏不能交納所有本年兌運豫省米石各  
幫船應交餘米竟免其交納著落總漕巡撫糧道及  
府州縣衛等賠交其東省各幫有無似此疲丁不能  
交納餘米應行寬免著賠之處並著倉場侍郎就近  
查明照此辦理據實具奏欽此續據倉場等查明應  
賠餘米七千石計價銀九千八百兩按十分攤

賠總漕攤半分德州等五衛共賠半分河南巡撫賠半分山東河南糧道共賠兩分半豫省有漕之開封等七府共賠半分各按所屬漕數計算下剩五分半再按豫省該年徵運漕糧之祥符等五十二州縣額徵糧石多寡均勻分攤解還歸款

一嘉慶五年調劑疲幫摺內奏准江浙二省應交餘米先交一半其餘一半緩至次年搭運交納其先經到壩之鳳中二等幫起卸均係在部

文未到以前其餘米照常起卸外至六月初六日接准部咨以後續到各幫卽以江淮九幫起餘米先交一半其餘一半緩至次年搭運交納仍令倉場將各幫緩交米數造冊報部查覈

一嘉慶六年籌畫楊村截撥事宜案內浙江尾後八幫應交米石情願自用撥船並另雇民撥俾大船及早回空其應交餘米並個兒錢文奏准從今冬起量分二年帶交

一嘉慶六年台州前等八幫在楊村截撥運通



應交餘米及個兒錢文奏准從今冬起分作二年帶交其各蓄失風船隻虧濕米石前已咨明買餘抵補現經餘米緩交無可買補咨准俟下年買餘抵補並個兒錢文卽於通濟庫內墊給按限扣解還款

一嘉慶六年浙江各丁在北守水耽延回空趕價一切經費較之常年不下兩倍今冬除例應交倉餘米外又有掛欠失風及初二兩限餘米再加應扣撥價並個兒錢文等項丁力益致疲

乏奏准將本運交倉餘米二萬四千六百餘石  
內今冬先交米八千餘石其餘一萬六千餘石  
分作二限均勻搭運例給旗丁餘米價銀亦按  
限折扣

一嘉慶十年因湖南三幫程途最遠進江口後  
運河水大開壩溜急處處加絳趕輓兼值清口  
淤淺較久一路人工飯食倍於別幫且搭運採  
買米石並無加耗又比他省幫船較苦所有應  
交三升八合餘米奏准緩至明後兩年分作二

次搭解補交

一嘉慶十二年江南長淮四幫回空軍船每船  
借領截漕米二十石應於冬運帶交因常屬被  
災全幫減歇次年冬輪兌徐糧粟不抵梗咨准  
緩俟下年出運常糧帶運

一江南淮安二幫嘉慶十五年應交餘米因丁  
船輪兌淮糧素不產梗咨准緩俟下年搭解

一江西各幫應交嘉慶十二十三兩年餘米先  
經奏准緩至嘉慶十五年冬爲始分作兩年搭

運惟十二十三兩年餘米數目多寡不一各丁  
又有長運輪運之不同在長運之船自借自還  
無所區別而輪運之丁未免有趙甲錢乙之分  
若兩年數目通算搭解一半恐有爭競且通倉  
亦難銷算咨准於十五年冬將十二年之米照  
數帶交其十三年緩交餘米於十六年冬帶交  
一嘉慶十七年正月奉

上諭許兆椿等奏浙省幫丁應行帶交餘米懇恩遞緩  
一摺據稱浙省幫丁上運嘉屬船糧因衛河水淺用

費較多又湖杭二屬歉收糧價昂貴本年寧後等幫  
應帶交嘉慶十三年並加裝九年餘米一萬一千三  
十餘石又本年回空各幫借支宿州頭二兩幫截貯  
米六千七百八十餘石若令一併買米帶交不但丁  
力難支並恐有妨民食所奏自係實在情形著照該  
漕督等所請除該幫丁借支宿州頭二兩幫截貯米  
六千七百八十餘石令其如數購買帶交其有歉減  
輪造之船俟下次出運再行帶交外所有應交嘉慶  
十三年並加裝九年分初限餘米一萬一千三十餘

石著加恩再遞緩一年以紓丁力該部知道摺併發  
欽此

一江西各幫應交嘉慶十二十三兩年餘米前  
據江西巡撫奏准自十五年冬爲始分作兩年  
買備搭運嗣將十二年分餘米於起運十五年  
漕糧軍船內照數帶交其十三年分應交餘米  
因十六年被旱緩徵減歇各船丁力未逮經漕  
運總督江西巡撫先後奏准緩至嘉慶十七年  
冬出運時購齊搭解

嘉慶十  
七年

一湖南各幫因居三進最後沿途寄撥需費較多所有本年應交三升八合餘米奏准緩至下  
運帶交全完以紓丁力

嘉慶十七年

一嘉慶十八年三月浙撫奏奉

上諭高杞等奏請將幫丁應帶餘米遞緩一年一摺據稱該省各幫丁有十三四兩年欠交通倉餘米四萬四千餘石前經奏定分限帶交並經節次奏准展限本年應解初限餘米一萬一千三十餘石現因各船加裝米數較多並有帶交上年駁換米一萬六千餘

石若將餘米責令同時買帶丁力難支懇請遞緩等語著照所請加恩將該省應交嘉慶十三年並加裝九年分初限餘米一萬一千三十餘石准其暫行遞緩一年俟下年照數帶交以紓丁力欽此

一嘉慶十九年二月奉

上諭阮元李奕疇奏運丁應交米款無力搭運懇恩展緩一摺浙江幫船上年因卸宿水淺守候起撥回空時又值臨清捫口高寶異漲費用繁多現屆新運丁力不免竭蹶加恩著照所請所有浙江漕白二十一



幫應還緩交十三年初限餘米一萬一千餘石再行  
遞緩一年其上運曬陽米七千餘石自冬運起分作  
四限完交以紓丁力欽此

一嘉慶二十年三月奉

上諭李奕疇等奏幫丁應交積年緩帶米款懇恩分限  
帶交一摺上年浙江省杭嘉湖三府因旱歉收米價  
昂貴各幫丁應交積年緩帶米五萬七千餘石內本  
運應買一萬八千餘石寧後等幫尙有應交十九年  
失風沈涇米二千三百餘石爲數較多若令同時並

買丁力未免拮据著加恩將浙省各幫應交積年緩帶餘米及篩颺米五萬七千餘石分限八年自二十年冬運起每運帶交七千餘石以紓丁力其寧後等幫應交十九年失風沉涇米二千三百餘石仍令照數購買於本運搭解毋任稽延欽此

一嘉慶二十年九月奉

旨潤祥等奏請將江西吉安幫帶運上年三升八合餘米緩至來年帶交一摺本年南糧尾後各幫因淺阻起撥耽延時日食米較多內江西吉安幫尤稱疲乏

現在同空南下沿途口食均須接濟除該幫本年應交餘米照數交納外所有帶運上屆餘米一千四百石零加恩著照所請准其緩至來年帶交以紓丁力該部知道欽此

一嘉慶二十二年正月奉

上諭李奕疇等奏幫船外借銀數餘米不敷抵補懇恩分別寬限一摺浙江幫船借支道縣二庫銀十七萬七千五百九十餘兩前經奏明於各幫應得餘米變價銀內分限三年抵補茲據李奕疇等查明各幫欠

數多寡不齊借欠多者餘米不敷抵補卽須在於額  
領錢糧內找扣辦運不敷自係實在情形加恩著照  
所請除寧前等八幫三年限內足數扣抵外所有台  
後溫後處後三幫准予原限外加展四年杭頭幫准  
予原限外加展三年嚴所處前溫前湖白四幫准予  
原限外加展二年金衢杭二台前杭四嘉所五幫准  
予原限外加展一年以紓丁力該部知道欽此

一道光五年五月奉

上諭顏檢奏江浙各幫應交本年餘米及曬颺米石

請緩俟下運搭解一摺本年江淮等幫因水勢微弱磨淺價渡米石不無傷耗剝價亦多增添其浙省幫船守候日久前後幫次丁力均不免疲累自係實在情形著照所請所有江南江淮頭等三十八幫應交每石三升八合餘米共四萬五千七百八十六石零浙江寧波前等二十一幫應交每石四升七合六抄餘米共三萬三千五百六十八石零准其留船緩交自本年冬運起勻分三限搭解還欸以資接濟而紓丁力欽此

一江西湖廣幫船因運道淤阻守候日久盤壩

接運諸多折耗所有應交餘米奏准緩交自本

年冬運起分作三限搭解還欸

道光五年

一江西湖南各幫上年阻守淮揚本年盤運紆

折丁力拮据所有應交餘米及曬颺耗米奏准

自道光七年冬運起勻分三年搭解

道光六年

一江浙各幫應交餘米及曬颺米石道光五年

奏准緩俟下運搭解嗣因淮安二幫本年輪兌

淮糧均係稜米上年欠交餘米係屬硬米以稜

不及稔援案咨准緩俟下年輪兌蘇常糧內帶

通交納

道光六年

掣欠事例

一經紀運米到橋車戶運米進倉按舊例每米  
五袋抽掣一袋一袋短少若干餘袋照數均賠  
獲稔米每石折銀一兩四錢粟米每石折銀一  
兩二錢於各役腳價內扣抵雍正二年題准掣  
欠酌定數目經紀係船運每十萬石定掣欠二  
百石車戶係陸運每十萬石定掣欠二百五十  
石通倉係水陸並進每十萬石亦定掣欠二百  
五十石此外再有多欠除將該役腳價不准扣



抵外仍照盜賣漕糧例治罪並交與地方官著落家產變賠

一經紀車戶掣欠數多除將代役嚴行責比外仍勒令經紀車戶俟交完掣欠之後再行轉運

雍正六年

一通州土壩車戶掣欠定例每運米十萬石掣欠二百石稷米每石七錢稷米每石六錢於腳價內扣抵再有多欠每種稷米一石扣銀一兩四錢著落家產追賠因每年掣欠數多扣追難

償乾隆三年題准每石准其掣欠八合照七錢六錢之例買餘米抵補此外若再多欠仍照一兩四錢之例於腳價內扣抵

一通倉抽驗掣欠米石如有書攢人等勾通經紀將掣欠之數以多報少折價侵肥之弊倉場

卽行查參

乾隆三年

一掣欠漕糧每百石石壩經紀准掣欠米二斗大通橋車戶准掣欠米二斗五升乾隆二十五年戶部侍郎吉慶等議奏額內掣欠者照收買

餘米例折銀交庫於現年著追不得俟次年扣  
繳其逾額在三斗以內著落經紀於當年買米  
交倉不准仍前折銀如逾額在三斗以外者照  
數追米交倉數多至五斗者除追繳米石外仍  
照盜賣漕糧例治罪續據倉場奏准逾額在三  
斗以內暫准加倍折銀交庫嗣於乾隆三十九  
年酌定逾額掣欠米石僅照餘米加倍折交一  
兩四錢之數不足示儆應照時價每石酌增交  
納

一土壩車戶掣欠逾額稜米八百餘石緣車戶均各赤貧且通州非產米之區市集無十成淨米難以交納按照五城所報糧價酌加每石以二兩六錢五分著追完款嗣後轉運倉糧務須嚴飭該車戶等慎重辦公毋得因掣欠之米可以折交遂致有逾定額致干查辦

乾隆五十八年

一嘉慶十三年大通橋並土壩車戶等轉運漕糧額內掣欠稜米因各幫餘米緩交不敷買補咨准照乾隆五十三年河南各幫餘麥奉文寬

免經紀車戶掣欠麥石無餘可買照例價折銀  
交納之例辦理

一大通橋車戶嘉慶十四年逾額掣欠米價銀  
一萬七千餘兩該車戶等均係貧役又無家產  
折變賠繳奏准自嘉慶十六年起分作八年勻  
交清款以紓役力

一豐益倉嘉慶十四十五兩年盈餘米八千餘  
石嘉慶十六年奏明准抵大通橋車戶嘉慶十  
四十五兩年應賠逾額掣欠其餘不足之數仍

照原奏分年扣繳其粳米質色甚好堪以作正  
支放其稔米稍覺參差作爲搭放

一截卸北倉米石起運到壩餘賸洪斛耗米准  
其抵交該經紀逾額掣欠如有餘賸卽照平斛  
粳米七錢稔米六錢之例給價收買歸倉  
嘉慶十六年

一大通橋車戶應交嘉慶十四十六等年未完  
逾額掣欠米價銀兩力難同時並扣經倉場奏  
准將十四年未完逾額掣欠銀四千四百二十

餘兩自本年二卯起至十九年末卯止全行扣  
完後再將十六年逾額掣欠銀一萬六千六百  
七十餘兩照十四年成案自二十年起分作八  
年勻扣歸款

嘉慶十八年

一大通橋車戶應交嘉慶二十年分掣欠餘額  
米價銀兩因尙有應扣十六年掣欠米價若同  
時並扣辦運未免拮据經倉場奏准將該車戶  
等應交二十年掣欠逾額米價銀四千二百三  
十五兩零俟至二十七年將十六年掣欠米價

銀兩全數扣完後再行分作兩年接扣歸款

嘉慶

二十一年

一嘉慶二十五年倉場奏准大通橋車戶所領  
腳價扣項頗繁辦運拮据將應賠十六年逾額  
掣欠銀二千八十四兩展限緩扣一年

一大通橋車戶應賠嘉慶二十年逾額掣欠銀  
兩前經奏定道光四五兩年扣繳又道光二年  
分逾額掣欠銀兩應於本年賠交因本年到橋  
漕糧較少所領腳價不及全漕之半且有應扣



全蜀通志卷之二十一  
收買餘米短交殘袋等項銀兩同時扣繳力有  
不支經倉場奏准將本年應扣兩款內先扣一  
款其應扣道光二年分逾額掣欠銀一千四百  
七十三兩零俟四五兩年扣完積欠後再於六  
年坐扣清款

道光四年

一道光五年奉

上諭給事中萬方雍奏大通橋監督驗收漕糧請令  
抽查御史督同監督掣量以昭覈實一摺向例抽  
查御史掣量米石遇有例外短欠並不責令經紀

賠補殊非覈實防範之道嗣後著抽查之滿漢御史率同該監督將抽存米石秉公掣量遇有短欠各立號簿據實登記事竣分造清冊移會戶部及倉場衙門照例責令經紀等賠補以杜弊端欽此

一大通橋車戶應賠道光四年分逾額掣欠銀兩本年腳價內已有應扣道光二年分逾額掣欠等銀經倉場奏准前項道光四年應賠逾額掣欠米價銀九千五兩零自本年起分作四年勻扣除將本年應扣銀二千二百五十兩扣存

外其餘腳價銀兩仍行給發以資辦運

道光六年

一道光八年欽奉

上諭松廷等議奏經紀掣欠逾額章程一摺據奏掣欠逾額之米均經戶部咨准令該經紀等折交銀兩著照所議將掣欠在額內者仍照收買餘米例其掣欠逾額者比照市價議增五成令其折價交銀每年全漕完竣後由大通橋監督覈明額內額外數目報部自漕糧進倉完竣之日起至次年二三月止統限六個月將應交銀兩一律完結並令

坐糧廳監督按限督催如逾限不完卽將所欠之  
經紀指明交刑部治罪其家產查抄備抵所有督  
催不力之坐糧廳滿漢監督一併查明交部議處  
欽此

一收買白糧商米派運通倉所有額內掣欠應  
令經紀賠補惟賠補白糧掣欠並無專條查經  
紀承運漕糧掣欠米數在額內者照收受餘米  
例價折銀完交今掣欠白米係官爲發帑收買  
自當照收買原價二兩九錢之數覈算共計額

內掣欠米二十五石六斗八升七合五勺應折  
交銀七十四兩四錢九分三釐七毫五絲由倉

場勒限照數完繳

道光二十七年

一白糧經紀李士圻等掣欠白糧經部議准照

額外掣欠賠繳應於每石二兩九錢外再加五

成銀一兩四錢五分計掣欠白糧七百三十九

石一斗四升六合五勺應交銀三千二百十五

兩二錢八分七釐零由倉場嚴飭催追照數折

銀交庫

道光二十九年

一經紀賠補道光二十六七兩年商米項下掣

欠米石經戶部咨覆倉場按照該年直隸收買

商米價值酌中覈定道光二十六年掣欠稷稔

米價每石按一兩八錢五分析交

係按原買二兩及一兩七

錢一兩八錢一兩九錢

四項價值合計通分 二十七年掣欠稷和米

價每石按二兩四錢三分三釐零折交

係按原買二兩

七錢二兩四錢二兩二錢三項價值合計通分

令倉場嚴飭經紀趕緊

交納報部查核

道光三十年

一抽掣漕糧前由倉場奏准按五十袋抽掣一

袋一袋全足餘袋免追一袋不足餘袋全追嗣因倉場及橋倉各監督等追報掣欠數日均按收過總數覈算並不按袋實計經戶部奏令務須按袋實計不准將全足之糧袋一併計算亦不准將經紀車戶掣欠各數牽混抵補歷年掣欠銀兩由倉場迅速照例追賠不容拖欠並將應交若干未交若干先行專案報部以憑查覈

咸豐

二年

一經紀車戶應賠掣欠米石道光十八年起至

咸豐三年止除將應領腳抗價銀各款分限扣抵外經紀尙有未完銀二十二萬八千九十三兩零車戶尙有未完銀三千三百十三兩零又於咸豐四五六等年各倉共收漕白米四百萬石內經紀共掣欠米四萬四十七石零車戶共掣欠米三萬四千四百石零經倉場移咨戶部覈定價值將應賠銀數督飭坐糧廳按款抵扣分限嚴追並將督催不力呈報遲延之歷任大通橋坐糧廳各監督及石壩州判土壩州同等



交吏部查取職名分別議處

咸豐七年

戶部議覆倉場衙門勒限追賠抵扣掣欠銀兩

章程

一該役等應賠銀兩爲數較多准將掣欠數目  
分作十成飭令先交四成以六箇月爲限每限  
追交經紀銀一萬兩車戶銀四千兩屆期將該  
役等交地方官會同坐糧廳大通橋監督傳案  
勒追限滿交不足數者革役將家產變賠仍送  
交刑部監追照例治罪下餘六成准令按年分

款坐扣

一經紀應領腳抗價銀每兩扣出六分平餘及扣減二成銀兩奏明按年儘數扣繳溢額箇兒銀俟扣清後卽接續抵扣掣欠銀兩

一經紀在津承領米折津貼銀兩咸豐五年經倉場奏明南省按現年起運米數解通嗣後仍行原解原放今抵補掣欠准其提出二成按年坐扣

一車戶應賠掣欠銀兩分限先交四成下餘六

成准在腳價內扣減二成及六分平餘內分年  
抵扣

一置袋布價殘袋變價腳抗價銀海運經費以  
及車戶腳價均係經紀車戶按年應領之項經  
戶部議定除前項銀兩彌補厯年掣欠責成倉  
場按年抵扣如數追交並將抵扣數目分年報  
部查駁

一咸豐七年掣欠銀兩倉場請俟漕糧進倉完  
竣查明漕白掣欠若干咨部定價折銀分限抵

扣經部議以積年掣欠分限抵扣係一時權宜  
辦理不得援以爲例嗣後掣欠應令倉場侍郎  
督飭鹽橋監督遵照掣欠定例限六箇月覈實  
追交如再積成巨款希冀分限完交接款扣抵  
卽將該監督等從嚴叅辦

以上咸豐七年

一咸豐八年欽奉

上諭文彩奏運通虧短米石請仍令經紀賠交五成一  
摺通州撥船虧短米石前經驗米大臣會同倉場侍  
郎奏定責令撥船經紀各賠五成原以重倉儲而防

欽定四庫全書  
奏  
弊竇本年海運未到以前該侍郎等卽請將經紀應賠之項減去三成實與奏定章程不符所有本年運通虧短米豆著仍照上屆除撥船虧賠一半照數追繳外其餘一半仍著經紀賠繳以專責成欽此

一同治三年欽奉

上諭倉場侍郎鍾岱奏晉奏漕糧掣欠過多自請分別議處察議等語據稱向來掣欠一項每居一年漕糧收竣後查明確數於經紀車戶應領腳價內扣出賠補乃近來久未查辦流弊滋多遂至掣欠之數年甚

一年現據查出自咸豐七年至同治元年已不下三十餘萬其同治元二兩年掣欠米粟豆麥等項約計已在十萬之外虧短尤多似此任意欠缺毫無顧忌若不嚴行查辦勢將伊於胡底著倉場侍郎逐一詳細查明掣欠確數嚴定章程分別賠補該經紀車戶如有偷漏舞弊等情並著嚴行懲辦毋稍輕縱未晉在任已將兩年於倉儲積弊未能整頓著先行交部議處鍾岱到任未久著交部察議欽此

一橋倉掣欠同治七年戶部奏准如在額內撥

船駕掌及各項代役免其責懲每米百石逾額至五斗立將撥船駕掌及各項代役重責交地方官嚴訊每米百石逾額一石立將撥船駕掌及各項代役送部治罪至該管官處分每百石逾額至一石以上查係橋欠將坐糧廳監督奏請議處倉欠將大通橋監督奏請議處如掣欠及一成者是橋欠逾額至五十倍倉欠逾額至四十倍該橋倉各監督及經紀車戶駕掌代役等斷非尋常處分罪名所足示儆應由刑部吏

部從嚴分別定議等因旋准刑部奏定轉運漕糧經紀車戶撥船駕掌及各項代役每米百石逾額不及五斗照例免其責懲如逾額至五斗者杖一百枷號一箇月一石至二石杖六十徒一年三石至四石杖七十徒一年半五石至六石杖八十徒二年七石至八石杖九十徒二年半九石至十石以上者杖一百徒三年如該經紀等承運糧米千石內逾額至十石以上者亦杖一百徒三年三十石以上者杖一百流二千



里五十石以上者杖一百流二千里五百里七十石以上者杖一百流三千里九十石至一百石以上者發附近充軍一萬石內逾額至百石以上者亦發附近充軍三百石以上者發近邊五百石以上者發邊遠七百石以上者發極邊足四千里九百石以上者發往雲貴兩廣煙瘴地方各充軍一千石以上者發往新疆酌撥種地當差仍著落先行照數追賠全完免罪不完杖枷人犯卽照原擬發落徒罪以上者照那移庫

銀之例分別辦理儻訊明有偷竊盜賣情事仍照例從其重者論又准吏部奏定橋倉各欠每米百石有逾額至一石以上者將該監督照在京衙門失察書役犯贓如係舞文弄法例分別議處如掣欠及一成者將該監督照在京衙門失察書役犯贓如係舞文弄法例加等議處犯該杖徒者降一級留任犯該軍流者降一級調用犯該斬絞者降二級調用俱公罪自行訪拏究辦者免議知情故縱者革職私罪嗣據倉場

侍郎以該役等一經辦罪賠款無著請將章程  
變通辦理經戶部議令將各役等應得罪名覈  
定咨行戶刑二部存案仍將各役暫緩送部一  
面將應賠米價勒限著追俟賠款交清或交有  
成數由倉場侍郎奏請分別減免其限期遠近  
成數多寡由倉場自行隨時覈定至坐糧廳大  
通橋各監督亦准其暫緩開叅如各役賠款逾  
限不交卽將各該役照章治罪該管官照章開  
叅旋據倉場咨稱自同治九年爲始所有同治

六年以前欠款作爲陳欠以是年該役等領款  
內所扣銀數帶賠二成陳欠其餘八成銀兩均  
抵補同治七年以後掣欠銀兩如有不敷再行  
按限著追所有經紀車戶應賠同治七年掣欠  
銀兩予限八年賠補經部奏准遵行

同治十年

一掣欠數目以大通橋爲匯總覈算處所經戶  
部奏准責成大通橋監督每年漕竣後將橋倉  
掣欠各若干額內額外各若干開具清單二分

一分詳報倉場衙門一分詳報戶部

同治九年

一米車到倉由倉場派委妥員會同該倉監督  
秉公抽掣並將大通橋監督印單交站倉車戶  
眼同花戶掛欠呈明監掣之員卽日間繳各倉  
監督將欠數按五日彙報一次以憑覈算並令  
倉場將某倉派委某員於每年漕糧抵壩時先  
行開單咨部存案如車戶花戶有串通捏報情  
事一經發覺卽將該倉監督及監掣委員一併  
嚴叅懲處

一米車到倉門以外准車戶豫先呈明監掣之

御史監督委員等內有小袋若干提出另計其餘聽憑抽掣至抽掣以後無論欠數過斗與否一袋管五十袋照例罰賠統俟抽掣完畢查明小袋共欠若干令車戶於清號之日照數賠補如延不補交即將車戶送部監追俟小袋欠米如數補足再行咨部開釋

一米石到橋向來每單填寫一百五十八九袋不等按五十袋抽掣一袋僅抽掣三袋搭運之米或七袋或八袋因數未逾十則不抽掣經戶

部奏令嗣後到橋到倉無論車運船運總以前  
後統算每五十袋抽掣一袋此外零袋在十袋  
以內者歸前五十袋覈算十袋以外者另掣一  
袋不准有不掣之袋其覈計欠數均照新章辦  
理

一大通橋東向設掣斛廳一處距橋較遠稽查  
難周經倉場侍郎英元奏請將掣斛廳移在大  
通橋左側令抽查漕糧御史於米石到橋時認  
真抽掣以期米無積壓欽奉

諭旨允准  
以上同治十年



糧色叅奏

一奉天運通豆石一抵海口卽令天津道縣多雇船隻速行起撥并多派員弁護送赴通其豆石應聽倉場驗明責成奉天委員自行交納如有潮濕霉變等弊仍令該員在通分別曬晾賠補倘起撥船少運河稽遲卽將天津道縣嚴行叅處所有前項黑豆一萬七千餘石雖係天津道縣查收接運但海運抵津正屆冬令何致豆有潮濕自屬奉天原運之時不能一律乾潔所

致若專令天津道縣賠補未免偏枯此次斛收  
豆石如有霉變短少之處著落奉天原運委員  
同天津接收道縣各半分賠以昭平允至此內  
有曾經受潮風晾後驗明可以應用者亦恐難  
以久貯查明確數分別貯倉先行支放

乾隆四十一年

一通州幫協運河南黑豆多有霉變訊明此豆  
於河南兌收時原係大小不勻其霉變豆粒實  
因途次楊村起撥遇雨三日收藏不慎所致復  
加查驗共揀出豆三千三百八十餘石曬晾乾

淨均屬可用分倉存貯同初次所收通州幫豆  
石一併先行搭放其霉變豆一千二百餘石勒  
限買補兌收將領運押運官并分別議處向來  
各省漕運遇歉收年分米色間有青腰白臍均  
係聲明具奏今豫省豆粒大小不勻並未先行  
奏明應將河南巡撫及糧道交部分別議處至  
倉場侍郎驗明豆粒霉變自未便准其收兌交  
倉但何以不向委員究問明白率行具奏現據  
該侍郎等自行陳奏實屬辦理疎忽亦應交部

察議

乾隆五十年

一嘉慶四年豫省運通白麥間有潮濕經倉場  
奏准將各船旗丁舵工分別責處示懲押運通  
判彭京煜領運千總齊干城交部分別議處嗣  
後白麥儘數派歸一幫選幹練千總領運抵通  
交卸并無論糧數多寡均責令糧道押運以昭  
慎重

一江西永建幫旗丁薛徐朋等十九船到淮籤  
驗出氣頭艙底霉變米八千六百一十石三斗

九升飭令暫貯山陽縣倉咨會江西巡撫委員  
來淮變價按例分賠下年照數搭解所有糧道  
押運通判照例分別議處干總劉大觀先行革  
職戴罪督押船糧抵通交納完竣後卽帶押運  
丁回江聽候審訊

嘉慶四年

一嘉慶五年四月江西巡撫張誠基奏審明旗  
丁控告霉米等款欽奉

上諭霉變米石自應照例賠補第念江西丁力素疲永  
建一幫尤稱貧乏所有應賠米一千五百九十餘石

著加恩准其分作三年搭解以示體卹欽此

一興武五六兩幫之青浦吳江等縣漕糧有灰  
暗黑腐攙雜之米八百餘石均難收受飭丁照  
例變價收買別幫食米充賠如不足數卽令該  
丁等於下年買補搭運嗣以青浦縣之米原係  
奏明米色較嫩除責令旗丁變價買抵外其不  
敷之米令青浦縣分賠十分之六幫丁分賠十  
分之四至吳江縣米色本無不純何以到通疊  
變自係弁丁等收藏不慎所致議准專責旗丁

賠補以杜沿途盜賣等弊其蒸變色紅之米質  
尙堅實及尙有質嫩色暗難以久貯之米均另  
庫存貯先行搭放所有濫收之青浦縣知縣與  
武五六兩幫領運千總押運通判該管糧道交  
部照例分別議處

嘉慶五年

一與武三江淮五兩幫虧短米石經倉場侍郎  
奏明將虧欠各丁拏交刑部徹底根究其運弁  
革職一併交部至押運同知糧道等官照例議

處

嘉慶五年

一與武三幫黑腐米五百四十餘石旗丁售賣  
僅將價銀一百五十五兩八錢四分買正米五  
十三石仍有未完正米四百八十七石照奏明  
與武五幫丁縣四六分賠之例辦理仍將收兌  
不慎之婁縣知縣及領運千總押運同知糧道  
交部照例分別議處至該幫虧折米一千三百  
九石零係屬顆粒全無非若黑腐米石僅係米  
色不純者可比自與原兌州縣無涉該督請照  
四六分賠之處與原奏不符且易啟旗丁沿途



盜賣等弊未便准行又興武七幫失風不敷米  
石該幫運弁並不照例留丁勒限完交私自帶  
同旗丁南下實屬藐玩除咨行總漕轉飭照數  
買補務於今冬起運船內附搭來通交納外將  
領運千總交部議處

嘉慶五年

一裏河查出經紀張裕周等起運漕糧內有潮  
溼發塊米石著落該役賠補外其餘風晾折耗  
並潮溼較重不准進倉之米奏准照江蘇省米  
色不純縣幫四六分賠之例著落坐糧廳及石

壩經紀等如數賠補仍按照順天府議定洪斛

時價折銀解交戶部清欵

嘉慶八年

一嘉慶九年淮安頭幫兌運震澤縣漕糧內有  
米色灰黑並多攙雜尙未起卸約計共有一千  
餘石經軍機大臣以崑山縣漕糧米色灰暗先  
經總漕奏明咨照在案今震澤縣漕糧攙雜尤  
甚並未接准咨照可見受兌時斷無此等不堪  
米石奏請將弁丁等一併交刑部詳審

一各倉經年收貯之米與新漕米色迥不相同

無難立辨該運丁設法盜買私將新舊之米攙和上兌賣成倉場侍郎巡漕御史督同坐糧廳大通橋監督節次挨查並令查倉御史各倉監督於斛收時詳辨新舊米色如有攙雜情弊卽

行參奏

嘉慶十四年

一嘉慶十四年江南淮安二等五幫粳米徽變夾雜江蘇糧道勞樹棠水次未經認真驗收迨千總孔繼舜等將米色不純之處稟明又未駁回更換好米徑行運通經倉場參奏將勞樹棠

草職其不堪入倉米五萬六千餘石留於通壩  
令該糧道自行變價歸公不敷例價著落該道  
賠補

一嘉慶十四年奉

上諭薩彬圖等奏江淮三六兩幫兌運溧陽縣米石內  
中發變氣頭色黯者居多緣米質本屬潮嫩又值陰  
雨稍有溼潤未及風晾以致色有不純等語江蘇省  
溧陽縣兌運之米旗丁既知米質潮嫩卽不應兌收  
今甫經開行到淮盤驗之時卽託稱陰雨連綿致有

溼潤明係地方官於收米之時或因索受糧戶錢文聽其將醜米交納或勒指糧戶多收折色買不堪之米交與旗丁而旗丁又得受地方官幫貼錢文不論米色高低概行收兌其弊不在糧戶而在州縣旗丁至於盤驗過淮時該漕督並不駁斥輒准放行於夾片內曲爲聲敘以爲曾經奏明卽可自居無過豈非預爲站腳地步總漕薩彬圖巡撫汪日章著傳旨嚴行申飭此項米石著全行駁回交該漕督妥爲籌辦酌換好米此外如有似此米色均應隨時駁換將糧

道及州縣衛弁等嚴叅具奏等因欽此

一嘉慶十四年江南常州幫白糧查出攬雜灰土經倉場侍郎等將該幫領運守備錢連元奏明掙去頂帶責令督同運丁再加篩颺旋據稟報篩颺完竣查驗米色較前純潔中倉如數斛收並無短少奏奉

諭旨錢連元著給還守備頂帶卽飭令押送回空欽此

一嘉慶十五年江南金山江淮五兩幫兌運青浦婁縣漕糧間有黑丁米八千五百餘石又與

武四幫兌運松江華亭縣漕糧經潮風晾之米  
一萬二千四百餘石雖係乾燥而攪雜黑丁體  
質受傷入倉難以久貯均經倉場奏請照例先  
行開放其與武七幫兌運青浦縣米內有四千  
八百餘石業經徽壞難以入倉駁回照數賠換  
好米搭解歸款

一嘉慶十七年江南太倉前等幫兌運震澤吳  
江兩縣漕糧形色黴黯經倉場奏准除難以久  
貯者另廠存貯先行搭放外其黴變尤重不堪

金匱要略卷之二十一  
收貯之米駁回賠換下年搭解歸款經徵督理  
各員照例叅處

一嘉慶十七年奉

旨榮麟等奏查驗興武六等幫米色灰暗分別辦理一  
摺江蘇婁縣等處兌運漕糧米色灰暗除不堪收受  
之米易換食米交卸外其攙雜黑丁篩颺不淨者興  
武六幫共米二千肆百捌石江淮五幫共米貳千玖  
拾貳石若概行駁回爲數較多入倉又難久貯姑照  
所請另廩存貯先行搭放俾漕船迅速回空漕糧爲



天庾正供該省兌收時卽應慎選米色一律乾潔迨過淮時由總漕盤驗遇有米色不純者立卽飭駁該處距兌漕各省道里較近駁換亦尙易辦若不認真查驗遠涉數千里轉運抵通坐糧廳及各倉監督自顧考成熟敢遷就報收一經駁回損耗必多卽權宜搭放以不堪久貯之米陳陳相因倉儲之受弊滋甚此次蘇松兩屬漕糧灰暗者多至數千石章煦辦理不善許兆椿簽盤草率俱著交部察議本年江省兌運新漕著交百齡朱理嚴飭所屬妥協經理幫船過

淮時並著許兆椿認真盤驗毋得仍前疎懈干咎欽此

一嘉慶十七年浙江台前等幫漕糧查有米質灰嫩及黴黯太甚之米倉場奏請灰嫩米石估計七成另廠收貯黴變米石卽行駁回勒限一年賠交並查取職名交部議處

一嘉慶十七年浙江湖白幫運到烏程歸安兩縣白糧抽驗過秤觔兩不足抽袋搗麤烏程縣白米一石僅賸九成歸安縣白米一石僅賸八

成半倉場奏准照揭短之數按石折算米石揭  
折米石下年賠交搭運

一各省漕糧遇有潮涇徵變將經徽州縣監兌  
各官均照溺職例革職糧道不先行查揭照徇  
庇例降三級調用運弁混行收兌革職留任勒  
限賠補完日開復限內不完革任追賠漕運總  
督照不應重公罪降二級留任例議處統以過  
淮盤驗爲界未過淮以前查有徵變州縣與運  
員一同叅處過淮盤驗以後遇有徵變卽將運

員照例議處

嘉慶十八年

一嘉慶二十二年倉場查驗鳳陽常州幫受兌  
宜興荆溪二縣漕糧夾雜潮溼難以久貯奏請  
本年八九兩月甲米內先行開放剔出細碎低  
米二千餘石令糧道監兌廳各分賠一成經徵  
病故知縣分賠三成在該家屬名下追繳知府  
賠繳五成續經兩江總督審明具奏將各員并  
交部議處

一嘉慶二十三年倉場奏興武頭幫米色撓雜

徵變奉

旨將幫丁交部研審據刑部訊明係起撥時遇雨受潮  
以致輾轉翻騰米石攙雜奏將運丁等分別杖  
笞領運總運交部察議

一道光二年江南廬州等四幫兌運崑山等縣  
漕糧到淮驗出潮熱米石經漕督駁換具奏奉  
上諭此次江蘇各幫漕糧到淮經該漕督驗出崑山  
新陽二縣米石潮熱已飭令該二縣收回另購好  
米賠換無誤船行所有該二縣及幫弁等俱著加

欽定戶部漕運全書 卷三十八  
四三  
恩免其議處欽此

一道光二年風中常幫受兌金匱縣漕糧過淮  
盤驗米色低潮照例按成賠換交各原船受兌  
請將革率受兌之監兌通判領運千總奏請革  
職仍令戴罪督押北上俟抵通交卸無誤再行  
具奏經徵知縣交部議處糧道交部察議黥黥  
米石飭令山陽縣變價歸公嗣因抵通交卸無  
虧經漕運總督兩江總督將原叅監兌通判領  
運千總及經徵知縣奏准開復所有驗出灰暗

米石經山陽縣變價易銀解交江寧藩庫報撥  
一道光四年豫省運通白糧經倉場查驗不能  
一律潔淨奏明責令弁丁實力挑颺再行起卸  
折耗麥石照數賠補下年帶交其總運同知押  
運千總部議均照例革職留任勒限賠補完日  
開復

一道光四年豫省徐河前後兩幫黑豆內有一  
萬七千餘石攙雜潮潤飭令弁丁趕緊曬晾遲  
至半月尙未挑晾乾潔倉場奏叅兩幫千總一

併革職兩幫運丁交糧道責革枷號總運同知  
交部嚴加議處並請另覈收貯此項豆石先行  
開放

一道光七年奉

旨前據百春等奏浙江漕糧抵壩查驗前二幫卽有  
不堪收受之米當經降旨著該侍郎等責成糧道  
尹世衡督率篩颺儘仍前玩誤卽著據實嚴叅茲  
據琦善等奏該糧道所屬總運等官認真篩颺易  
以好米隨時查驗並無飽稻發粒攙雜在內以後



各幫亦俱一律乾潔堪以收受現在三進南糧均已完竣該糧道等尙知愧奮所有浙江糧道尹世衡總運通判德興運弁孫文注等俱著加恩免其叅處欽此

一道光七年奉

旨前據百春等奏鳳陽常幫被雨淋溼正乾米二百四十四石廬州三幫欠交尾零正米二百二十五石降旨將該二幫運弁石元龍蔡濂才革去頂帶勒限交納茲據奏稱該弁等應補交米石均在限

內如數全完尙知愧勉石元龍蔡濂才俱著開復  
頂帶該部知道欽此

一道光八年總漕奏盤驗浙江各幫米色未能  
純潔責成弁丁按船篩搨其篩出粃碎飽稻一  
萬六千一百四十四石零著令縣幫劃半分賠  
於冬運時照數買備好米隨船運交不准延展  
篩出粃碎飽稻等項卽令糧道領回變價分給  
各幫抵補篩搨人夫工食費用糧道辦理未善  
交部議以降一級調用經徵領運各員弁欽奉

諭旨俱著查取職名分別議處

一道光八年奉

上諭吏部具題浙江糧道尹世衡辦漕未善比例議  
以降一級調用准其抵銷一本已依議行矣浙江  
省徵收漕糧連年以來俱未能一律純淨上年該  
省糧艘抵通經倉場侍郎等查出攙雜灰暗情形  
責令該糧道認真督率弁丁篩颺本年該幫船過  
淮盤驗又經訥爾經額查驗米色不純飭令篩出  
粃碎飽稻灰土一萬六千餘石之多該道府州縣

徵收兌運所司何事該撫率據所屬稟報收成米  
質不能一律飽綻輒於收漕時先行奏明並咨會  
倉場以爲將來卸責之計殊屬非是經此次飭諭  
之後劉彬士當預行嚴飭該府州縣於收漕時務  
期米質純潔不准稍有夾雜該糧道兌運漕糧是  
其專責如查驗各州縣所兌之米有粃碎灰濕等  
弊卽應據實揭報將經徵督徵之府州縣嚴行叅  
辦儻扶同遷就別經查出定將該糧道從重懲處  
不能復邀寬貸該撫總宜認真督率稽察不得輕

聽所屬藉口於天時不齊率行奏咨預爲地步亦  
不得任令該州縣幫丁因此復有苦累到難致轍  
流弊欽此

欽定戶部漕運全書卷五十九目錄

京通糧儲

腳價則例